

К ОПУБЛИКОВАНИЮ

КОМИ РЕСПУБЛИКАСА ОЛАНПОДУВ ЁРД

Коми Республикалөн Каналан Сöветса депутатяс И.А. Богдановлөн, Е.В. Дьячковалөн да О.А. Михайловлөн запрос серти «Содтöд дасьлун режим пыртöм йылысь» Коми Республикаса Юралысьлөн 2020 во рака тöлысь 15 лунся 16 №-а Индöдын 11 пунктлысь оланподувлы лöсялöмсö прöверитöм йылысь делö серти Коми Республикаса Оланподув Ёрдлөн шуöм

Сыктывкар

2020 вося вöльгым тöлысь 5 лун

Коми Республикаса Оланподув Ёрд, кöни веськöдлысьнас вöли В.В. Кретов, ёрдысьяснас Д.Н. Басманов, Н.В. Боковикова, А.В. Проскуров, кöни участвуйтисны Коми Республикалөн Каналан Сöветса депутатяс И.А. Богданов да О.А. Михайлов, А.В. Никулин – Коми Республикалөн Каналан Сöветса депутат Е.В. Дьячковаöс петкöдлысь, В.В. Воробьев – Коми Республикалөн Каналан Сöветса депутат И.А. Богдановöс петкöдлысь, Коми Республикаса Юралысьöс петкöдлысь Н.И. Шильникова – Коми Республикаса Юралысьлөн Канму-инöда веськöдланінлөн экономика оланпастэчас юкөнса начальник,

Коми Республикаса Оланподувлөн 96 статьяса мöд юкөнö, «Коми Республикаса Оланподув Ёрд йылысь» Коми Республикаса Оланпасын 3 статьялөн медводдза юкөнса 1 пунктö, 78, 79 да 80 статьясö кутчысьöмөн,

видлаліс ёрдлөн восьса заседание дырйи «Содтöд дасьлун режим пыртöм йылысь» Коми Республикаса Юралысьлөн 2020 во рака тöлысь 15 лунся 16 №-а Индöдын 11 пунктлысь (Коми Республикаса Юралысьлөн 2020 во кöч тöлысь 30 лунся 109 №-а Индöдлөн редакцияын) оланподувлы лöсялöмсö прöверитöм йылысь делö.

Видлалан помкаён лоис Коми Республикалён Каналан Сöветса депутатяс Илья Алексеевич Богдановлön, Екатерина Валериановна Дьячковалön да Олег Алексеевич Михайловлön запрос, а видлалан подулön – эрдöдöм гөгöрвотöмлун сы серти, лöсялö-ö Коми Республикаса Оланподувлы Коми Республикаса Юралысьлön Индöдын вылынджык индöм нормаыс.

Ёрдысь-докладчик Д.Н. Басмановлысь юöртöмсö, кыкнанладорсö петкöдлысьяслысь висьтасьöмсö кывзöм бöрын, сетöм документьяссö да мукöд материалсö туялöм бöрын Коми Республикаса Оланподув Ёрд

ш у и с:

1. Выль коронавирус инфекция (COVID-2019) (водзö – COVID-2019) лоö выль коронавирус (SARS-CoV-2) вöсна лоöм острой респираторной висьöмön, кутшöмöс пыртöма патогенность серти II группаö. Дзоньвидзалун видзан ставмирса организация мирын COVID-2019 паськалöм вöсна лоöм эпидемиология серпассö донъялöм бöрын 2020 вося төвшöр тöлысь 30 лунö шуис сийöс зэв сьöкыдön. 2020 вося рака тöлысь 11 лунö серпассö шуöма пандемияön. Россия Федерация мутасын COVID-2019 збыльысь паськавны вермöм вöсна, мый вöсна кувсис уна морт, лёкмис йöзлön дзоньвидзалуныс, торксисны олан условиеясыс, йöзлön лоины тöдчана материальной воштöмьяс, канму примитис мераяс, кутшöмьясöс веськöдöма сы вылö, медым пандемияыс эз паськав, сы лыдын кутшöмьяс сетöны гражданылы публичной-инöда кывкутана могьяс да дзескöдöмьяс, кутшöмьясöс веськöдöма йöзöс, сылысь олöм видзöм, дзоньвидзалун видзöм да COVID-2019 паськалöмысь öлөдöм вылö.

«Содтöд дасьлун режим пыртöм йылысь» Коми Республикаса Юралысьлысь 2020 во рака тöлысь 15 лунся 16 №-а Индöдсö (водзö – Индöд) примитöма, сылön водзкыв серти, сы могысь, медым неминучаяс

лонь вермыны артмём вылө, кутшөмъяс йитчөмаось Коми Республика мутасө выль коронавирус инфекция (COVID – 2019) воан да сылөн паськавны верман грөзкөд, кыпөдны неминуच्याсысь өлөдан да найөс бырөдан өтувья канму системалөн Коми республиканскөй системаува веськөдлан органьяслысь, вынъяслысь да средствояслысь уджавны дасьлунсө. Индөдыс пыртө 2020 вося рака төлысь 16 лунсянь неминуच्याсысь өлөдан да найөс бырөдан өтувья канму системалөн Коми республиканскөй системаува веськөдлан органьяслысь да средствояслысь содтөд дасьлун уджалан режим.

Коми Республикаса Юралысьлөн Индөдын 11 пунктөн урчитөма, мый 2020 вося вольгым төлысь 15 лунөдз оз позь нуөдны культурно-массөвөй, зрелищнөй, спортивнөй да мукөд массөвөй мероприятие.

Коми Республикалөн Каналан Сөветса депутатъяс И.А. Богданов, Е.В. Дьячкова да О.А. Михайлов шыөдчисны Коми Республикаса Оланподув Ёрдө запросөн, көні шуөны гөгөрвотөмөн, лөсялө-ө тайө нормаыс Коми Республикаса Оланподувлөн 15, 18, 32 да 84 статьясса положениеяслы. Ассыныс видзөдласнысө подулалігөн индөны сы вылө, мый Коми Республикаса Юралысьлөн абуось мортлысь да гражданинлысь инөдьясөн да вөляөн веськөдлөм вылө уджмогьясыс.

Татшөм ногөн, тайө делө серти видлаланторйөн лоө «Содтөд дасьлун режим пыртөм йылысь» Коми Республикаса Юралысьлөн 2020 во рака төлысь 15 лунся 16 №-а Индөдын 11 пункт (Коми Республикаса Юралысьлөн 2020 во көч төлысь 30 лунся 109 №-а Индөдлөн редакцияын), а стөчджыка кө юалөмсө сы йылысь, эмось-ө Коми Республикаса Юралысьлөн тырмымөн уджмогьясыс сы вылө, медым вензяна нормаөн урчитны сійөс, мый Коми Республика мутасын содтөд дасьлун режим пыртөмкөд йитөдын оз позь нуөдны культурно-массөвөй, зрелищнөй, спортивнөй да мукөд массөвөй мероприятие, прөверитөм.

2. Россия Федерацияса Оланподув серти меддонаторйөн лоө морт,

сылён инёдъясыс да вöляыс, мортлысь да гражданинлысь инёдъяссö да вöлясö пыдди пуктöмыс, збыльмöдöмыс да видзöмыс лоö канмулён кывкутана могён (2 статья), ставён пыдди пуктана принципъяс да войтыркостса инөдлөн нормаяс, Россия Федерацияса Оланподув серти канму гарантиуйтö мортлысь да гражданинлысь инёдъяс да вöля дорйöмсö (17 статьяса медводдза юкөн), мортлысь да гражданинлысь инёдъяссö да вöлясö вермöны дзескöдны федеральной оланпасён сöмын сы выйöдз, мыйта колö, медым дорйыны оланподув тэчаслысь подувъяссö, мукöд йöзлысь вежавидзанлунсö, дзоньвидзалунсö, инёдъяссö да оланпас серти интересъяссö, могмöдны канму дорйöмсö да сылысь видзчысянлунсö (55 статьяса коймöд юкөн), гарантиуйтсö мирной чукöртчылöмъяс, митингъяс, демонстрацияяс, шествиеяс да пикетированиеяс нуöдöм вылö вöляыс (31 статья). Татшöм жö гарантияяс эмöсь Коми Республикаса Оланподувлөн 4, 15, 18 да 32 статьясын.

Йöзлысь санитарной да эпидемиологической боксянь бур олöмсö могмöдöм лоö дзоньвидзалун видзöм да сöстöм гөгöртас вылö гражданылысь оланподув инёдъяссö, кутшöмъясöс гарантиуйтöма Коми Республикаса Оланподувлөн 42 да 43 статьясөн, збыльмöдан медшöр условиеясысь öтиён.

Мортлысь инёдъяс да сылысь подув вöля дорйöм йылысь конвенция серти (кырымалöма 1950 вося вöльгым тöлысь 4 лунö Римын), урчитсö быдöнлөн мирной чукöртчылöмъяс нуöдöм вылö инөдыс, позьö дзескöдны тайö инөдсö сöмын оланпас подув вылын сы могысь, медым могмöдны национальной видзчысянлунсö да видзны öтйöза пöрадоксö, öлöдны шызьöмъясысь да мыж вöчöмъясысь, медым видзны мукöд йöзлысь дзоньвидзалунсö да мывкыдлунсö либö медым дорйыны налысь инёдъяссö да вöлясö (Конвенцияын 11 статья).

Запросын вензяна нормативной инөда актыс пырö öтйöза йитöдъяс сфераö, кутшöмъяс йитчöны неминучаяс бырöдöмкöд (öлöдöмкöд),

эпидемиялы паныд нуодан мероприятияс нуодомкөд, кутшөмьяс Россия Федерацияса Оланподувлөн 72 статьяса «з» пункт, Коми Республикаса Оланподувлөн 64 статьяса «з» пункт подув вылын лооны Россия Федерациялөн да Россия Федерацияса субъектыслөн отув веськөдланторйөн.

Россия Федерацияса Оланподувлөн 76 статьяса мод да витөд юкөнъяслөн, «Россия Федерацияса субъектыслөн оланпас пыртысь (бөрийөм) да олөмө пörтысь канму власьт органьяс котыртан отувья принципьяс йылысь» 1999 во рака төлысь 6 лунся 184-ФЗ №-а федеральной оланпасын 26.3 статьялөн 2 пунктса 5 пунктувлөн да 3.1 пунктса, 27 статьялөн 2 пунктса ота-мөдкөд йитчөм предписаниеын эм Россия Федерацияса субъектыслөн канму власьт органьяслы предписание збыльмөдны муниципалитеткостса да дінму тшупода неминучаясысь, ускөттьөясысь, эпидемиясысь өлөдан да на бөрын лоөм колясьяссө бырөдан, неминучаяс дырйи йөзлысь олөм да дзоньвидзалун видзөм вылө веськөдөм мероприятияс збыльмөдан сфераын инөд боксянь ладмөдөмсө ыджыдджык юридической вына нормативной инода актьяслы стөча лөсялөмөн.

Россия Федерацияын вөр-ва да техногенной сяма неминучаясысь йөзөс видзан юкөнын отувья котыртан да инода нормаяссө индөма «Вөр-ва да техногенной сяма неминучаясысь йөзөс да мутасьяс видзөм йылысь» 1994 во өшым төлысь 21 лунся 68-ФЗ №-а Федеральной оланпасөн. Йөзөс да мутасьяс неминучаясысь видзан юкөнын инөд боксянь ладмөдөмыс подулавсьө ставөн пыдди пуктана принципьяс да войтыркостса инөдлөн нормаяс вылө да збыльмөдсьө индөм Федеральной оланпасөн, сы серти примитөм федеральной оланпасьясөн да Россия Федерацияса мукөд нормативной инода актөн, Россия Федерацияса субъектыслөн оланпасьясөн да мукөд нормативной инода актөн, меставывса асвеськөдлан органьяслөн инода актьясөн, кутшөмьясөс примитөма налөн

уджмогыяс серти.

Индом Федеральной оланпаслөн 4 статья серти неминучаясысь олөдан да найос бырөдан отувья канму системасо артмөдоны федеральной олөмө пөртысь власьт органьяслөн веськөдлан органьяс, выньяс да средствояс, Россия Федерацияса субъектьяслөн олөмө пөртысь власьт органьяс, меставывса асвеськөдлан органьяс, организацияяс, кодьяслөн уджмогыясө пырө йөзөс да мутасьяс неминучаясысь видзан юалөмьяс решитөм.

Россия Федерацияса субъектьяслөн канму власьт органьяслөн содтөд дасьлун режим пыртгөн гражданаөн да организациясөн быть олөмө пөртөм вылө асьнысө кутан правилөяс урчитөм, неминучаясысь олөдөм (найос бырөдөм) вылө веськөдөм мукөд мера примитөм вылө уджмогыяссө урчитөма индом Федеральной оланпаслөн 4.1 статьяса 10 пунктөн да 11 статьяөн.

Сіджжө, «Йөзлөн санитарной да эпидемиологической боксянь бур олөм йылысь» 1999 во рака төлысь 30 лунся 52-ФЗ №-а Федеральной оланпаслөн 6 статьяса 4 абзац серти Россия Федерацияса субъектьяслөн канму власьт органьяслы сетөма Россия Федерацияса субъектлөн мутасын юралысь канму санитарной врачьяслөн да найос вежысьяслөн вөзйөмьяс, предписаниеяс подувылын дзескөдан мероприятиеяс (карантин) пыртөм да дугөдөм вылө инөд.

Тайө уджмогө «Канмусянь санитарной да эпидемиологической дөзьөр збыльмөдысь мутас органлөн предписание серти дзескөдан мероприятиеяс (карантин) котыртөм да найос пыртөм да дугөдөм бөрся видзөдөм йылысь» Россия Федерацияса Веськөдлан котырлөн 2005 во моз төлысь 19 лунся 529 №-а шуөмлөн 1 пункт серти пырөны Россия Федерацияса субъектьяслөн олөмө пөртысь власьт органьяслы сетөм татшөм кывкутана могьяс – Россия Федерацияса субъектлөн став мутасын либө тайө Россия Федерацияса субъектлөн торья районьяслөн, карьяслөн,

олан пунктъяслөн мутасын колана дзескөдан мероприятиеяс (карантин) пыртём йылысь помшумъяс примитём; дзескөдан (карантин), профилактика, эпидемиялы паныд нуодан, бурдөдан да диагностируйтан мероприятиеяс збыльмөдөмсö котыртан мероприятиеяслысь план вынсьөдөм; индөм план збыльмөдөм серти оперативнөй штаб артмөдөм.

Россия Федерацияса Президент сы могысь, медым збыльмөдны Россия Федерацияса Оланподува 80 статьяён сетём уджмогыяс, медым выль коронавирус инфекция (COVID-19) паськалөмкөд йитөдын могмөдны Россия Федерация мутасын санитарнөй да эпидемиологическөй боксянь бур олөмсö, примитёма «Выль коронавирус инфекция (COVID-19) паськалөмкөд йитөдын Россия Федерация мутасын йөзлысь санитарнөй да эпидемиологическөй боксянь бур олөмсö могмөдан мераяс йылысь» 2020 во косму тöлысь 2 лунся 239 №-а Индөд, «Выль коронавирус инфекция (COVID-19) паськалөмкөд йитөдын Россия Федерация мутасын йөзлысь санитарнөй да эпидемиологическөй боксянь бур олөмсö могмөдан мераяслысь вына кадсö нюзөдөм йылысь» 2020 во косму тöлысь 28 лунся 294 №-а Индөд да «Выль коронавирус инфекция (COVID-19) паськалөмкөд йитөдын Россия Федерация мутасын йөзлысь санитарнөй да эпидемиологическөй боксянь бур олөмсö могмөдан мераяслысь вына кадсö нюзөдан пöрадок индөм йылысь» 2020 во ода-кора тöлысь 11 лунся 316 №-а Индөд. Тайö нормативнөй инöда актъясын сьöрсөн-бöрсөн гижöма Россия Федерацияса субъектъяслөн медвылыс чина йөзлы (канму власьт медвылыс олөмö пöртысь органъясөн юрнуодысьяслы) предписаниеяссö санитарнөй да эпидемиологическөй серпас да выль коронавирус инфекция (COVID-19) паськалан аслыспөлөслунъяс тöд вылө босьтөмөн могмөдны дзескөдан да мукөд мероприятие лөсьөдөмсö да збыльмөдөмсö.

«Йөзлы лектор вöчны вермысь висьöмъяслөн лыддьöгö вежсьöм пыртём йылысь» Россия Федерацияса Веськөдлан котырлөн 2020 во

төвшөр төлысь 31 лунся 66 №-а №-а шуомон коронавирус инфекция (2019-nCoV) пыртма Висьомьяслон лөсялана лыддьөгө.

Котыртан, профилактика, санитарно-противоэпидемическөй мероприятиеяслон, кутшөмьясөс нуодом отсөгөн видзчысьоны Россия Федерация мутасын COVID-2019 висьом артмөмысь да паськалөмысь, комплекс дорө корөмьяссө урчитөма «Выль коронавирус инфекцияысь (COVID-19) өлөдөм» СПЗ.1.3597-20 санитарнөй да эпидемиологическөй правилөясөн, кутшөмьясөс вынсьөдөма Россия Федерацияса юралысь канму врачлөн 2020 во ода-кора төлысь 22 лунся 15 №-а шуомон.

Индөм санитарнөй Правилөясса 4.4 пункт серти инфекция вуджөдан механизмсө «орөдөм» вылө веськөдөм мероприятиеяс лыдө пырөны социальнөя торйөдан мераяс пыртөм, массөвөй мероприятиеяс (гажөдчан, культурнөй, спортивнөй) нуодөмсө дзескөдөм либө дугөдөм.

Татшөм ногөн, федеральнөй канму власьт органьяс да Россия Федерацияса субъектьяслон канму власьт органьяс костын уджмогьяс юклөмсө инөд боксянь ладмөдан уджалысь системаын гражданылы да организацияслы содтөд дасьлун режим да ськөд йитчөм дзескөдан мераяс пыртан инөдсө пыртөма Россия Федерацияса субъектьяслон канму власьт органьяслон уджмогьясө.

Коми Республикаын примитөма «Вөр-ва да техногеннөй сьма неминучаясысь йөзөс да мутасьяс видзөм йылысь» 1999 во йирым төлысь 19 лунся 48-РЗ №-а Коми Республикаса Оланпас, көнi 6 статьяса 2 (1) юкөн серти Коми Республикаса Юралысьлөн уджмогьясө, мукөд лыдын, пырө содтөд дасьлун режим пыртiгөн гражданаөн да организациясөн быть олөмө пөртөм вылө асьнысө кутан правилөяс урчитөм.

Юралысь канму санитарнөй врачьяслы «Йөзлөн санитарнөй да эпидемиологическөй боксянь бур олөм йылысь» 1999 во рака төлысь 30 лунся 52-ФЗ №-а Федеральнөй оланпасын 51 статьяса 8 пунктлөн 2 абзац серти сетөма Россия Федерацияса субъектлөн канму власьт органьясө да

меставывса асвеськӧдлан органъясӧ дзескӧдан мероприятияяс (карантин) пыртӧм (дугӧдӧм) йылысь вӧзйӧмъяс пыртӧм серти уджмог.

«Содтӧд дасьлун режим пыртӧм йылысь» Коми Республикаса Юралысьлысь 2020 во рака тӧлысь 15 лунся 16 №-а Индӧдсӧ примитӧма сы вӧсна, мый Россия Федерацияса юралысь канму санитарнӧй врач примитӧма «COVID-2019 паськалан рисксӧ чинтан содтӧд мераяс йылысь» 2020 во рака тӧлысь 13 лунся 6 №-а шуӧм, кӧнӧ Россия Федерацияса субъектыяслӧн медвылыс чина йӧзлы тшӧктӧма примитны массӧвӧй мероприятияяс чинтан мераяс.

2020 вося кӧч тӧлысь 28 лунӧ Коми Республикаын юралысь канму санитарнӧй врач сетӧс Коми Республикаса Юралысьлы Коми Республика мутасын культурно-массӧвӧй, зрелищнӧй, спортивнӧй да мукӧд массӧвӧй мероприятие нуӧдны дугӧдӧмсӧ нюжӧдӧм йылысь вӧзйӧм.

Олӧм да дзоньвидзалун видзӧм вылӧ Россия Федерацияса Оланподулӧн урчитӧм инӧдъясыс лоӧны Россия Федерацияын кызди демократическӧй инӧда канмуын, кодлӧн кывкутана могӧн лоӧ мортлысь да гражданинлысь инӧдъясӧ да вӧляӧ кутчысьӧм, мортлӧн инӧда статуслӧн подув пуктан да быть колана элементъясысь ӧтиӧн (1 статья, 2 статьяслӧн медводдза юкӧн, 20 статьялӧн медводдза юкӧн, 41 статьялӧн медводдза юкӧн, 45 статьялӧн медводдза юкӧн). Мортлӧн да гражданинлӧн инӧдъяс да вӧля иерархияын олӧм да дзоньвидзалун видзӧм вылӧ инӧдъясыс медтӧдчанаӧсь, лоӧны эмбуркӧд йитчитӧм мукӧд инӧд збыльмӧдан условиеӧн.

Россия Федерацияса Оланподувлӧн 20 статьяса медводдза юкӧнӧн да 41 статьяса медводдза юкӧнӧн гарантируйтӧм инӧдъяслӧн сюрӧсӧн, налӧн публичнӧй-инӧда подувъясӧн урчитӧма сылӧн 2, 18 статьясын индӧм канмулӧн кывкутана могӧн лоӧ тӧдчыны йитӧдъяс вылӧ, кутшӧмъяс йитчӧмаӧсь ӧпаснӧй инфекция висьӧмъяс паськалӧм вӧсна артмӧм неминуча лоны вермӧмысь видзчысьӧмкӧд, наысь видзчысьӧмкӧд да найӧс

бырөдөмкөд.

Кызди вөлі индөма вылынджык, федеральнөй оланпас дасьтысь делегируйтис Россия Федерацияса субъектыяслөн канму власьт органьяслы пандемия сөвмөмысь видзчысьөм вылө веськөдөм стөч мераяс лөсьөдөм да збыльмөдөм вылө уджмогыяс, артман серпассө төд вылө босьтөмөн да видлалан йитөдьяссө өдйөджык да подулалөмөнджык ладмөдөм могысь.

Оз позь, медым оланпас пыртан, котыртан да мукөд мераясыс, кутшөмьясөс публичнөй власьт органьяс примитөны сы могысь, медым колана ногөн могмөдны олөм да дзоньвидзалун видзөм вылө инөдсө, вывтї ёна төдчисны йөзлөн олөм вылө, мирнөя оружьетөг чукөртчыны инөд вылө. Тайө жө кадө сэк, кор вермө лоны неминуца, гражданылысь татшөм инөдьяс кызди чукөртчывны вермөм збыльмөдөмыс йитчөма ыджыд рискьясөн (массөвөй мероприятияяс нуөданінын уна йөзөн чукөртчөм, өпаснөй инфекцияяс контрольтөг паськалөм).

Сы вөсна, мый пыртөма содтөд дасьлун режим, профилактика мераяссө веськөдөма йөзлысь өта-мөдкөд йитчөмсө чинтөм вылө, мый вермө вайөдны быд лунья кутшөмкө бурторьясысь быть дугөдчөмө, водзынджык воөдчөм потребление да олан тшупөдсө чинтөмө.

Та дырйи колө төд вылө босьтны торья йөзлөн да йөзкотырлөн интересьяслысь баланссө, көні йөзкотырлөн интересөн лоө йөзөс өпаснөй инфекция висьөм паськалөмысь видзөм.

Неминуца дырйи уджалө уна лоөмтор вылө лөсялысь принцип, кутшөмөс гижөма мортлысь инөдьяс да вөля збыльмөдігөн мукөд йөзлысь инөдьяс да вөля торкавны позьтөмлун йылысь Россия Федерацияса Оланподувлөн 17 статьяса коймөд юкөнын да Коми Республикаса Оланподувлөн 15 статьяса 3 абзацын. Та дырйи Россия Федерацияса Оланподувлөн 2 статьяса положениеяс серти канмулөн кывкутана могыс – юридическөй боксянь ставлөн өткодьлунө, мортлөн да гражданинлөн инөдьясөн да вөляөн ковтөг вөдитчыны позьтөмлунө, подулалөмө да

ӧтмында лунӧ кутчысьӧмӧн примитны тырвуйӧ мераяс, медым пандемияыс эз паськав.

Федеральной оланпастэчас да Россия Федерацияса субъектыслӧн нормативной инӧда актъяс серти примитӧм дзескӧдан мераясыс, сы лыдын и сы серти, мый недыр кад чӧж оз позь нуӧдны культурно-массӧвой, зрелищной, спортивной да мукӧд массӧвой мероприятие, лӧсялӧны публичной-инӧда могъяслы, видзӧны йӧзӧс, видзӧны гражданылысь олӧмсӧ да дзоньвидзалунсӧ выль коронавирус инфекция паськалӧмысь да найӧс абу веськӧдома оланподув серти инӧдъяс да вӧля дзескӧдӧм вылӧ. Та вӧсна татшӧм вӧчӧмторъяссӧ оз позь видлавны кызди мортлысь да гражданинлысь оланподув-инӧда статуссӧ подулавтӧг ладмӧдӧм, мый лӧӧ Россия Федерациялӧн веськӧдланторийӧн (Россия Федерацияса Оланподувлӧн 71 статьялӧн «в» пункт).

Та дырйи эпидемиялы паныд нуӧдан мероприятияс серти дзескӧдан мераясӧ кутчысьны коланлуныс оз кут гражданаӧс мукӧд формаын политической да мукӧд ассыс инӧдсӧ збыльмӧдӧмысь, мый абу йитчӧма массӧвой мероприятияс нуӧдӧмкӧд.

Вензяна нормативной актын «массӧвой мероприятие» кыввежӧртассӧ оз позь видлавны кызди абу тырвуйӧ гӧгӧрвоӧдӧмаӧн да кутшӧмӧн позьӧ вӧдитчыны уна ногӧн. Мероприятиелӧн унайӧзалун признакыс петкӧдлӧ, мый сэтчӧ вермӧ локны урчиттӧм лыда йӧз, найӧ вермӧны лоны ӧтилаын, ӧтувтчыны кутшӧм-либӧ публичной мероприятие нуӧдӧмкӧд йитӧдын сӧк, кор эпидемиялы паныд нуӧдан мероприятияс нуӧдӧгӧн вӧзйӧма кыз позьӧ ӧнджыка торийӧдны йӧзсӧ. Кутӧдсӧ урчитӧма олӧм да дзоньвидзалун видзӧм могысь, ыджыджык юридической вына нормативной инӧда актъяс да Юралысь канму санитарной врачьяслӧн предписаниеяс серти.

Татшӧм ногӧн, видлалан сфераын Коми Республикаса Юралысьӧн инӧд боксянь ладмӧдӧмсӧ збыльмӧдӧмыс пырӧ сылӧн уджмогъясӧ,

кутшӧмъясӧс индӧма Коми Республикаса Оланподувлӧн 84 статьяын да «Коми Республикаса Юралысь, Коми Республикаса Веськӧдлан котыр да Коми Республикаса олӧмӧ пӧртысь власьт системаын органъяс йылысь» 2013 во ӧшым тӧлысь 26 лунся 140-РЗ №-а Коми Республикаса Оланпаслӧн 7 статьяса медводдза юкӧнлӧн 23 пунктӧн.

Та дырйи, ассьыс дискреционнӧй уджмогъяссӧ збыльмӧдигӧн Коми Республикаса Юралысьлы быть колӧ быд случайын могмӧдны торъя йӧзлӧн да йӧзкотырлӧн интересьяслысь баланссӧ. Колӧ, медым выль коронавирус инфекция (COVID-19), кутшӧмӧс пыртӧма ӧпаснӧй инфекция висьӧмъяс лыдӧ, паськалӧмысь видзчысьӧм серти пыртӧм мераяссӧ вӧлі урчитӧма недыр кад кежлӧ, объективнӧя подулалӧма, медым мераяс серти эз вӧв позянлун урчиттӧг, канму санитарнӧй да эпидемиологическӧй дӧзьӧр збыльмӧдысь мутас органлӧн предписаниеяслы лӧсявтӧг индыны дзескӧдӧмъяссӧ. Вензяна нормаыс тырвыйӧ лӧсялӧ тайӧ муртӧсьяслы.

Татшӧм ногӧн, «Содтӧд дасьлун режим пыртӧм йылысь» Коми Республикаса Юралысьлӧн 2020 во рака тӧлысь 15 лунся 16 №-а Индӧдса 11 пунктсӧ аслас оланподув-инӧда вежӧртас серти (Коми Республикаса Юралысьлӧн 2020 во кӧч тӧлысь 30 лунся 109 №-а Индӧдлӧн редакцияын) оз позь видлавны кызди Коми Республикаса Оланподувлӧн 15, 18, 32 да 84 статьяяслӧн положениеяслы паныд мунысьӧн, мортлысь да гражданинлысь инӧдъяссӧ да вӧлясӧ дзескӧдысьӧн, чинтысьӧн либӧ мӧд ногӧн торкысьӧн.

Гижӧм вылӧ подуласьӧмӧн, Коми Республикаса Оланподувлӧн 96 статьяса мӧд юкӧнӧ, «Коми Республикаса Оланподув Ёрд йылысь» Коми Республикаса Оланпаслӧн 66 статьяса медводдза юкӧнӧ, 68 статьяса медводдза, мӧд, коймӧд да нельӧд юкӧнъясӧ, 69, 80 да 81 статьясӧ кутчысьӧмӧн, Коми Республикаса Оланподув Ёрд

ш у и с:

1. Лыддыны «Содтөд дасълун режим пыртөм йылысь» Коми Республикаса Юралысьлысь 2020 во рака төлысь 15 лунся 16 №-а Индөдса 11 пунктсö (Коми Республикаса Юралысьлөн 2020 во көч төлысь 30 лунся 109 №-а Индөдлөн редакцияын) Коми Республикаса Оланподувлөн 15, 18, 32 да 84 статьяяслы лөсяланаөн.

2. «Коми Республикаса Оланподув Ёрд йылысь» Коми Республикаса Оланпаслөн 73 статья серти тайö Шуöмыс лоö бөръяөн, сійöс оз позь обжалуйтны, дзик пыр вынсялö сійöс йöзöдöм бöрын, уджалö веськыда да сійöс оз эскöдны мукöд органён да чина йöзөн.

3. «Коми Республикаса Оланподув Ёрд йылысь» Коми Республикаса Оланпаслөн 72 статья серти тайö Шуöмсö дзик пыр колö официальной публикуйтны «Коми Республикаса канму власьт органъяслөн индöд-тшöктöмъяс» журналын да йöзöдны «Öтуввез» юöртан да коммуникация везйын Коми Республикалөн официальной сайтын «Коми Республикаса канму власьт органъясөн примитöм инöда актъяс, мукöд официальной юөр лыддьöг» сетевöй изданиеын (<http://law.rkomi.ru>).

Коми Республикаса Оланподув Ёрд